

ԹԱԳԱԻՈՐԸ ՊԵՏՔ Է ՃԱՆԱՉԷ ԲԱՐԵ- ԿԱՄՆ ՈՒ ԹՅՆԱՄԻՆ

Ս Ա Ա Դ Ի Ի

Մի օր Դարեհը երբ գնաց որսի,
Բանակից հեռու մնաց մեկուսի.
Դէմն ելաւ նախրորդն յանկարծ փախն ի փախ
Ասաց Դարեհը սրտումն ահ ու վախ.
Էս եկողն անշուշտ թշնամի է ինձ,
Նետս հանեմ իսկոյն ու խփեմ կրծքից.
Ու լարեց թէ չէ արքունի աղեղն,
Ահից չքացաւ ինքն էլ տեղն ու տեղ:
(Ամայի դաշտում թշնամուց վախիւր.
Անփուշ վարդն եկ մեր ծաղկոցից քաղիւր.)
Հովիւն արձակեց սրտանց աղաղակ,
Թէ չեմ թշնամի,—մի ջնջիր իմ կեանք:
Ասաց. «Ո՛վ արքայդ Իրան Թուրանի,
Որ այդքան վատ ես ինձ մտիկ տալի,
Այստեղ ես Շահիդ ձիերն եմ պահում,
Անգործ, անզբաղ զուր չեմ թափառում»:
Սրտաբեկ արքան սիրտ առաւ կրկին,
Ժպտաց ու ասաց. «Ո՛րդեակ իմ անգին,
Երկնուց հրեշտակն եղաւ քեզ սատար,
Որ հէք գլուխդ չեղաւ նետահար»:
Զիապանն ասաց սիրալիւր ժպտով.
«Թոյլ տուր՝ Տէր արքայ, որ անկեղծ սրտով
Ասեմ քեզ որն է կարգը մեծութեան,—
Ճանաչել փոքրին՝ արդեօք ո՞վ է այն»:

Թագաւոր ասածդ պէտք է որ ճանչէ,
 Թէ հիւսիս բարեկամ ում ոսոխ կանչէ,
 Այսքան ժամանակ քեզ ծառայում եմ,
 Ամեն հրամանդ ես կատարում եմ,
 Այժմ էլ ընդ առաջ եկայ քո սիրուն,
 Իսկ դու դէպի ինձ սլաքդ ես սրում:
 Ես պահում եմ, Տէ՛ր, մեր հարիւր հազար,
 Ձիերի ամբողջ հաշիւն անվթար.
 Թէ ինձ պէս հովւին հարկ է խելք ու միտ,
 Ո՞րքան աւելի քեզ, հովւապետիդ»:

Դարեհն երբ հովւից լսեց այս խրատ,
 Կարմրեց, թէև շռայլեց դրուատ.
 Ապա դառնալով մտածեց ինքնին,
 «Գրեմ այս խրատն իմ սրտի խորքին.
 Անկումից զատ ինձ չկայ ուրիշ ելք,
 Երբ հովուի չափ էլ չունիմ միտք ու խելք:
 Ե՞րբ եմ ես լսել բողոք, աղաղակ,
 Մինչ բարձրում է գահս որպէս Երեւակ.
 Այնպէս պառկիր, որ լացն ականջդ հասնի,
 Երբ հպատակներդ գան դատաստանի:
 Երբ կան զրկողներ իմ սահմանից ներս,
 Նոյնն է թէ լինիմ զրկողը միշտ ես:
 Թէ չը լինէին տգէտ շանտէրեր,
 Ձէր հաջիւ, անցորդ, շունն երեսդ ի վեր:
 Կեցցես դու, Սաադի, անվախ խօսքի տէր,
 Բաց պահիր սուրբդ ձեռումդ անվեհեր,
 Այն ասա, ինչ որ կարծում ես արդար,—
 Ոչ կաշառ կեր դու, ոչ էլ տուր կաշառ»:

Դեռ ուժեղ բազկի համս առած չէի,
 Տկարների սիրտն ես կը տանջէի.
 Կերայ մի բռունց ուժեղի ձեռից,
 Է՛լ ոյժ չտեսաւ տկարն իմ ձեռից:

Պարսկ. Թարգմ.

Մ. Վ. Մաքսուտեան.